



Komunikadu Imprensa
Tribunál Distritál Oe-Cusse
10 Abril 2015

Tribunál Distritál Oe-Cusse suspende julgamentu durante semana ida atu prepara julgamentu ba kazu koletivu sira

Iha 07-10 Abril 2015, Tribunál Distritál Oe-Cusse laiha oráriu audiénsia julgamentu tanba tribunál halo hela preparasaun ba julgamentu kazu koletivu sira ne'ebé planeadu sei hala'o iha semana oin hahu hosi 13-17 Abril 2015.

Julgamentu ho kompozisaun koletivu ne'e tuir agenda sei julga total kazu 15 ne'ebé kompostu hosi 12 krime no sivil 2.

JSMP observa katak desde Janeriu to'o Marsu 2015, Tribunál Distritál Oe-Cusse laiha ajenda ba kazu koletivu sira no so iha deit mak julgamentu ba kazu sira ho tribunál singulár.

Tribunál Distritál Oe-Cusse mak úniku tribunál ne'ebé so juis ida deit mak servisu iha tribunál ne'e. Tanba ne'e, kuandu iha planu atu halo julgamentu ba kazu sira ho kompozisaun koletiva tenke kordena ho juis sira iha Tribunál Distritál Dili ka Tribunal Rekursu atu delega juis sira ne'e ba apoiu iha Tribunál Oe-Cusse. Situasaun ne'e dalaruma defisil tanba juis sira iha tribunál seluk mós dalabarak iha sira nia agenda rasik.

“Situasaun ne'e dalabarak prejudika teb-tebes parte sira ne'ebé hein hela sira nia prosesu iha tribunál tanba kestaun sira relasiona ho limitasaun rekursu umanus,”dehan Diretor JSMP, Luis de Oliveira Sampaio.

JSMP rekomenda atu Ministériu Justisa atu kontinua investe iha Sentru Formasaun Judisiáriu hodi hetan número autór judisiáriu ne'ebé ekuilíbriu ho realidade ezijensia publiku ba justisa.

JSMP hanoin juis ida deit atu atende kazu oi-oin lor-loron dalaruma bele hamosu pergunta kona-ba kualidade tanba laiha ema seluk atu konsulta no diskuti wainhira iha kazu komplikadu ruma.

JSMP rekoñese katak número kazu sira ne'ebé julga iha Tribunál Oe-Cusse la barak hanesan tribunál sira seluk, maibé importante atu konsidera katak kolokasaun rekursu iha tribunál sira tenke balansu atu aseguira katak autór judisiáriu sira sente komfortavel hodi halo servisu.

JSMP espera katak VI Governu Konstitusionál sei halo esforsu atu hatan ba situasaun sira ne'e liuhosi Centru Formasaun Judisiáriu. JSMP mós rekomenda ba Tribunál Rekursu hanesan tribunál aas liu iha Timor-Leste atu buka meu ka alternativu seluk hodi aseguara katak juis sira hetan apoiu adekuada hodi hala'o sira nia servisu.

“Kommunikadu imprensa ida ne'e bele imprimi tan ho apoiu jenerozu husi povu Amerikanu liu husi Ajensia Estados Unidos ba Dezenvolvimentu Internasionál (USAID) bazeia ba Akordu Kooperasaun ho Númeru AID-486-A-13-00007 ba programa Ba Distrito iha Timor-Leste, ne'ebe nia implementasaun lidera husi Ajensia Counterpart International ho nia parseiru sira. JSMP mak responsabiliza tomak ba konteudu no hanoin iha komunikadu impresna ida ne'e nia laran no la nesesariamente refleto USAID ka Governu Estados Unidos Amerikanu nia opiniaun”.

Atu hetan informasaun liutan favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Telefone: 3323883 | 77295795